

Malena

St'ora invita à gode pace
Tantu ella hè calma è serena
Ma tù core ùn voli tace
U perchè di a to pena
Una notte à sta notte listessa
T'ai persu l'amore di Malena

Si ne venia sincera
Ogni sera à l'attrechjata
Senza fà casu s'ella era
Da qualsiasi curata
Un pensava à peccatu Malena
Era giovanna è bella è innamorata

Qualessa hè stata la manu
A'lampà a prima petra
Quale fece da villanu
Lestu à metteci in catedra
Chi di mè è di tè a mo Malena
Si n'hè intesu sunà ragana è cetra

Celu spegni i to lumi
Fiume tù e to canzone
Ch'o a cerchi cecu è mutu
Trà silenziu è bughjicone
Duve elle stà di casa avà Malena
Un ne cambia più tempu nè stagione

G.T. Rocchi \ F. Travaglini
Feli